

Сентябрь

19/1 Мученика Андрея Стратилата и с ним 2593 мучеников (284-305).

Тропарь, глас 5

Святой Андрей Стратилат, мландымбалне вуйлатымаш чапым коден, вўр чўчалтышет дене Пылпомышысо Кугыжанышым налынат, шергакан кў семын курымашлык венец дене сōрастаралтынат да лишыл ег деч орланыше-влакым Христос деке конденат, каватўрыш волдымо Христос Кечым суксо-влак дене пырля кас огыл волгыдышто муынат; мемнан чоннам утарыже манын, шке денет орланыше-влак дене пырля Христос Юмым чарныде сōрвале.

Кондак, глас 4

Андрей Стратилат, тый кече ончылно шўдыр йулымō семын Господьлан кумалын шогенат да Юмын Кугыжанышын чот вучымо поянлыкшым ужын, кугу куан дене темынат, Колыдымо Кугыжалан суксо-влак дене пырля курым-курымеш моктымо мурым мурет да мемнан верч чарныде кумалат.

Величание

Тыйым моктена, тыйым моктена, Христосын орланышыже святой Андрей, тыйын чот жаплыме орланыметым пагалена, тудым тый Христос верч чытенат.

20/2 Пророка Самуила (XI в. до Р.Х.).

Тропарь, глас 2

Йочам ыштен кертдымылан Юмо деч кугу куан пуалтын да Господьлан йōрышō йўлалтен пуымо надыр гай лийын. Юмын пророкшо Самуил, Юмылан йōрышын да чын тыршыметлан жаплена, вет тый мемнан чонна верч кумалат.

Кондак, глас 8

Чот поро пиалан, иланымет деч ончыкак тый шергакан пōлек семын Юмылан пуымо лийынат, изинек Тудлан суксо семын тыршымет верч ончык ужын моштымашым налынат; сандене тылат мурена: Юмын пророкшо Самуил, кугу архиерей, йывырте.

Величание

Тыйым моктена, тыйым моктена, Юмын пророкшо Самуил, да тыйын нерген святой шарнымашым аралена, вет тый мемнан верч Христос Юмынам сōрвалет.

21/3 Апостола от 70-ти Фаддея (ок.44).

Тропарь, глас 3

Святой апостол Фаддей, мемнан чонлан сулык касарымашым пуыжо манын, чаманыше Юмым сōрвале.

Кондак, глас 4

Апостол Фаддей, тый Черкылан волгыдо шүдыр гай улат, да Черке тыйын öрыктарыше пашат дене сотемдаралтеш, тыйын нерген шарнымашым ўшан дене аралыше-влакым утаре.

Величание

Тыйым моктена, тыйым моктена, Христосын апостолжо Фаддей, Христосын Поро Увержым шарымет годсо орланымет ден пашатым пагален шарнена.

22/4 Мученика Агафоника и иже с ним (305-311).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 1

Юмо пуымо ушан чапланыше Агафоник, поро лўмым погенат да орланымаш деч лўдде, чояланыше ен-влакын ўшанымашышт деч корангынат, сандене суапым суленат да тый денет орланыше-влак дене пырля чап венецым налынат.

Величание

Тыйым моктена, тыйым моктена, Христосын орланышыже святой Агафоник, тыйын чот жаплыме орланыметым пагалена, тудым тый Христос верч чытенат.

23/5 Отдание праздника Успения Пресвятой Богородицы.

Тропарь, глас 1

Юмын Аваже, Тый дечет шочшо лийын гынат, яндар Ёдырак кодынат, колымекетат калыкым коден каен отыл. Илышым пуышын Аваже улат да Илышым пуышо декак каенат. Шкендын кумалмет дене мемнан чоннам колымаш деч утарет.

Кондак, глас 2

Нойыде кумалшым да йодмо годым эн ўшанле ўшаным, Юмым Шочыктышо Ёдырым, шўгар ден колымаш шке кидыштышт кучен кертын огытыл, вет эреак яндар көргышкыжө Илаш Пурышо Юмо Тудым, Илышын Аважым, илышыш кусарен.

Величание

Тыйым моктена, Тыйым моктена, мемнан Христос Юмынан Эн Яндар Аваже, Тыйын мален колтымо гае колыметым чапландарена.

24/6 Священномученика Евтихия, ученика апостола Иоанна Богослова (I)

Тропарь, глас 4

Юмылан йöрышö священномученик Ефтихий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 3

Ефтихий ачана, тый апостол-влак дене престол ончылно пырля шогышо да святитель-влакын моторлыкышт лийынат, орланымет дене чапландаралтынат, кече

семын волгалтын, чылаштым сотемдаренат, Юмо деч посна илыше-влакын пич йӱдыштым шалатенат. Сандене тыйым Христосын священный тайныжын сарзыже семын жаплена.

Величание

Тыйым моктена, тыйым моктена, священномученик Ефтихий, да тыйын нерген святой шарнымашым пагалена, вет тый мемнан верч Христос Юмынам сӧрвалет.

25/7 Перенесение мощей апостола Варфоломея (VI). Апостола от 70-ти Тита, епископа Критского (I).

Тропарь, глас 3

Святой Варфоломей ден Тит апостол-влак, мемнан чонлан сулык касарымашым пуыжо манын, чаманыше Юмым сӧрвалыза.

Кондак апостолу Варфоломею, глас 4

Господын апостолжо Варфоломей, туныктымашын волгыдыжо да лӱдыкшӧ ӧрыктарыше пашат дене тый Черкын кугу кечыже лийынат, тылат мурышо-влакым сотемдарет.

Кондак апостолу Титу, глас 2

Юмын тайныжым каласыше эре шарныме Тит, тый апостол Павел дене мутланыше, тудын дене пырля Юмын порылыкшо нерген ончылгоч увертарыше улат да ме тыланет мурена: мемнан верч кумалметым ит чарне.

Величание

Тендам моктена, тендам моктена, Варфоломей ден Тит святой апостол-влак, шке туныктымыда дене уло тӱням сотемдаренда да тӱнян чыла ужашыжым Христос деке конденда.

26/8 Сретение Владимирской иконы Пресвятой Богородицы (празднество установлено в память спасения Москвы от нашествия Тамерлана в 1395 году).

Тропарь, глас 4 (это же еще 3 июня, 6 июля)

Кучен ашныше Ёдыр, чудым ыштыше Тыйын юмонгатым эр у́жара гай вашлийын, чапле Москва ола таче волгыдын йывырта. Юмонгат деке толын, Тыланет кумалына да тыге ойлена: Юмым Шочыктышо пеш чапле Ёдыр, Тый дечет шочшо Христос Юмым сӧрвале, Чаманыше улмыж дене Тудо чыла христиан ола ден элым да тиде олапат осал тушман деч арален шогыжо да мемнан чоннам утарыже.

Кондак, глас 8

Юмым Шочыктышо Ёдыр, Тылат, чылам сенгыше Воеводылан, Тыйын моктымо юмонгатын толмыжо дене мемнам шыгыр гыч утарыметлан ме Тыйым вашлийме пайремым волгыдын пайремлена да Тыланет, чыла Кучен Ашнышылан, тыге каласена: о, Поро Яндар Ёдыр, йывырте.

Величание

Тыйым моктена, Тыйым моктена, Юмын ойырен налме Эн Яндар Ёдыр, Тыйын юмонат деке ўшан дене толшо-влаклан пареммашым пуыметлан моктена.

27/9 Преподобного Пимена Великого (ок.450).

Тропарь, глас 8

Пимен ачана, шинчавўд йогынет дене ир мландым нўртенат да чот ойгырен шортмет дене паша саскатым шўдў пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сўрвале.

Кондак, глас 4

Юмо пуымо ушан преподобный Пимен ачана, волгыдо подвигетым шарныме святой кече толын да поро койыш-шоктышан ег-влакын чоныштым куандара.

Величание

Поро пиалан улметым моктена, Юмылан йўрышў Пимен ачана, да тыйым пагален шарнена, вет тый монах-влакым виктарыше да суксо-влак дене мутланыше улат.

28/10 Преподобного Моисея Мурина (ок.400).

Тропарь, глас 1

Кўргыштет Юмым нумалше Моисей ачана, тый ир мландыште илыше, капет дене Суксо гай да чудым ыштыше лийынат. Пўтым кучен, йўд-кече кумалын, молитвам лудын, пылпомышысо суапым налынат. Тый черле-влакым да тый декет ўшанен толшо-влакын чоныштым эмлет. Тыланет пенгыдылыкым Пуышылан чап, тыйым венец дене Сўрастарышылан чап, тыйын гоч чылаштлан пареммашым Кондышылан чап лийже.

Кондак, глас 4

Осал-шамычым совен, ия-шамыч ўмбак шўвалын, шонымашет дене кече гай волгалтынат, илышет да туныктымашетын волгыдыж дене мемнан чоннам виктарет.

Величание

Поро пиалан улметым моктена, Юмылан йўрышў Моисей ачана, тыйым пагален шарнена, вет тый монах-влакым виктарыше да суксо-влак дене мутланыше улат.

29/11 Усекновение главы Пророка, Предтечи и Крестителя Господня Иоанна.

День постный.

Тропарь, глас 2

Чын илыше айдемыв моктен шарнат. Христос ончыч Толшо, тыйын нерген Господын каласымыжат ситыше. Тудым Иордан вўдеш тынеш пуртымет дене чыла пророк коклаште эн пагалыме улат. Чын верч орланыметлан куаненат, тамыкыште улшо-влаклан тый капан лийше Юмо нерген поро уверым пуэнат: вет Тудо тўнян сулыкшым Шке ўмбакыже налын да мыланна кугу чаманымашыжым пуэн.

Кондак, глас 5

Христос ончыч Толшын вуйжым руалмылан Юмын эрыкше лийын, вет тудо Утарыше Юмын толмыжо нерген тамыкыште улшо-влакланат увертарышаш улмаш. Иоанным закондымын пушташ йодмыжлан Иродиада тек шортеш, вет

шкеже Юмын законом да курымыш илышым огыл, а жаплан пуымо ондалыше илышым йӱратен.

Величание

Тыйым моктена, тыйым моктена, Утарышым тынеш пуртышо Иоанн, да чот пагалыме вуетым руалме кечым жаплена.

Припев

Господьын святой кугу Предтечыже Иоанн, мемнан верч Юмым сӱрвалем.

30/12 Святителей Александра (340), Иоанна (595) и Павла Нового (784), патриархов Константинопольских.

Тропарь, глас 4

Мемнан ачана-шамычын Юмыжо, мемнам шке ўнышылыккет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак, глас 8

Юмын пуымо ушан Александр, ӱрыктарыше Иоанн да моктымо Павл, те Христосын йӱратымашыж дене ылыжын, Тудын омытажым, пагалыме ыресшым, налын, Тудын семынак илаш тыршен, Божественный чапышкыже ушненда. Сандене Юмын престолжо ончылно шогымыда годым мемнан чонна верчат тыршен кумалза.

Величание

Тендам моктена, тендам моктена, кугу святитель Александр, Иоанна ден Павл ачана-влак, тендам пагален шарнена, вет те мемнан верч Христос Юмынам сӱрвалем.

31/13 Положение честного пояса Пресвятой Богородицы.

Тропарь, глас 8

Юмым Шочыктышо Яндар Ёдыр, эн-влакын Леведышыже, эн яндар капетым леведше вургемет ден ўштетым Шке кучымо олатым аралаш пуэнат, яндарын шочыктымет дене курымышлык лийынат, Тыланет кӱра пӱртӱс ден жап уэмыт, сандене Тыйым сӱрвалена: Шке олатлан тынысым да мемнан чонлан кугу чаманымашым пӱлекле.

Кондак, глас 2

Юмым Шочыктышо Эн Яндар Ёдыр, Юмым нумалше капетым ўшталме чот пагалыме ўштет, Тыйын олатлан тудо сенаш лийдыме пенгыдылык да порылыкын мучашдыме поянлыкше лийын.

1/14 Начало Индикта – Церковное Новолетие

Тропарь индикту, глас 2

Чыла чонаным Ыштыше, жап ден ий-влакым Шке эрыкет дене кучышо Господь, Шке порылыкетын идалык шӱдышыжым суапландаре, Юмын Аван кумалмышт дене Шке калыкетым да уло мландынам тынысыште арале да мемнам утаре.

Кондак, глас 2

Пылпомышто Илыше Христос, чыла ужмым да ужаш лийдымым Пүрышö да Ыштыше, кече ден йүдым, жап ден ий-влакым Кучышо Кугыжа, идалыкетын шүдышыжым таче суапландаре. Кугун Чаманыше Юмо, Шке калыкетым да уло мландынам тынысыште переге да арале.

Тропарь преподобному Симеону Столпнику, глас 1

Преподобный Симеон ачана, тый кугезе ачана-шамыч гай чот тыршыше да чытымашын рүдыжö улат: орлыкышто кугезе Иов гай, алгаштарыме годым Иосиф гай, а илышыште капдыме Суксо-влак гай лийынат, мемнан чоннам утарыже манын, Христос Юмым сөрвале.

Кондак, глас 2

Преподобный Симеон, Күшылсым кычалын, үлылсö-влак дене ушнен, тулан орвам ментгыш савыренат, сандене Суксо-влак дене мутланыше лийынат, нунын дене пырля Христос Юмылан мемнан верч чарныде кумал.

Величание

Поро пиалан улметым моктена, Юмылан йöрышö Симеон ачана, да тыйым пагален шарнена, вет тый монах-влакым виктарыше да суксо-влак дене мутланыше улат.

2/15 Мученика Маманта (275). Преподобных Антония (1073) и Феодосия (1074) Печерских.

Тропарь мученику Маманту, глас 4

Господь, Тыйын орланышет Мамант, индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо виет дене сүмырал шуэн да ия-влакын тептердыме үчыштым шалатен. Тудын молитваж дене, Христос Юмо, мемнан чоннам утаре.

Кондак, глас 3

Святой Мамант, Юмын кучыктым пондо дене шке калыкетым илышым пуышо олыкышто күтен ашне, шинчалан койдымо да сорлыклаш лийдыме янлык-влакым тыланет мурышо-влакын йол йымакышт кудалте, вет тый ойгышто улшо-влак верч чот шогышо улат.

Величание

Тыйым моктена, тыйым моктена, святой орланыше Мамант, да чот жаплыме орланыметым пагалена, тудым тый Христос верч чытенат.

Тропарь преподобным Антонию и Феодосию Печерским, глас 4

Поро пиалан ачана-влак, те Черке каваште волгалтше шүдыр да Российысе монах-влакын тўналтышыже улыда. Антоний ден Юмын пуымо ушан Феодосий, ме тендам муро дене йывыртен моктена: тендан почеш кайыше да тендам пагален шарныше-шамыч верч чарныде кумалше-влак, куаныза.

Кондак, глас 8

Монах-влакын волгыдо корныштым ончыктышо кок кугу ачана, поро пиалан Антоний ден эре шарныме Феодосий, те Российысе Черкым пылпомышлан йöрышым ыштыше ушан ўжара улыда, ко тендам кулеш семын моктен кертеш? Вет

те Юмын престолжо ончылно шогеда да Святой Троице деч йодаш тоштыда, тендам сөрвалыше да тендан нерген йөртен мурышо-влак верч кумалза.

Величание

Поро пиалан улмыдам моктена, Юмылан йөрышö ачана-влак Антоний ден Феодосий, да тендам пагален шарнена, вет те монах-влакым виктарыше да суксо-влак дене мутланыше улыда.

3/16 Священномученика Анфима, епископа Никомидийского (302).

Тропарь, глас 4

Юмылан йөрышö священномученик Анфим, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 4

Юмын пуымо ушан Анфим ачана, святитель саныште алал кумылын служитлен, орланымаш корным эртен, тый идоллан надырым пуымым пытаренат да шке кўтўэтым аралыше лийынат, сандене тыйым пагален, ўшан дене шып йодына: шке кумалмет дене мемнам ойго гыч эре утаре.

Величание

Тыйым моктена, тыйым моктена, священномученик Анфим, да тыйым пагален шарнена, вет тый мемнан верч Христос Юмынам сөрвалет.

4/17 Священномученика Вавилы, епископа Антиохийского (251).

Пророка Боговидца Моисея (1521г. до Р.Х.).

Иконы Божией Матери «Неопалимая Купина» (1680).

Тропарь священномученику Вавиле, глас 4

Юмылан йөрышö священномученик Вавил, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 8

Моктымо да чот орланыше Вавил, тыйым, поро койыш-шоктышлан туныктышым да орланыше-влакын пенгыдылыкшым, таче волгыдо Черке чапландара. Тый Господь деч йодаш тоштшо улат, тыйым тыныс дене чапландарен моктышо-влакым Христос аралыже манын, кумал.

Величание

Тыйым моктена, тыйым моктена, священномученик Вавил, да тыйым пагален шарнена, вет тый мемнан верч Христос Юмынам сөрвалет.

Тропарь пророку Боговидцу Моисею, глас 2

Тропарь, глас 2

Господь, Тыйын Моисей пророкытым шарныме кечым пайремлена, да тудым ўжын, Тыйым сөрвалена: мемнан чоннам утаре.

Ин тропарь, глас тойже

Моисей пророк, тый порылык кўкшытыш кўзенат да, Юмын чапшым ужаш йөрышö лийын, Юмын Кўштымашыжым возымо кў онгам налынат, сандене

Ўмбалнет тушто возымын порылык тулжо волгалтын. Тый пророк-влакын моктымашыже да поро илышын кугу тайныже улат.

Кондак, глас 2

Пророк-влакын погынышт таче Моисей да Аарон дене пырля йывыртен куана, вет нунын мучашлыме ончык ужын каласымаш мемнан ўмбалне шукталтын: мемнам утарыше Ырес таче волгалтеш. Христос Юмо, нунын кумалмышт дене мемнам чамане.

Величание

Тыйым моктена, тыйым моктена, Юмын пророкшо Моисей, да тыйым пагален шарнена, вет тый мемнан верч Христос Юмынам сөрвалет.

Тропарь Божией Матери в честь иконы Ее «Неопалимая Купина», глас 4

Чудо-влакым Пўрышö да чыла чонаным Ыштыше Христос, Яндар Ёдыр Мария деч Шкендын шочшаш тайнетым акрет годымак Моисейлан йўлыдымö вондерын тулжо гоч ончыктенат. Юмын Аван тиде святой юмонажым шуко öрыктарымаш дене чапландаре, ўшанле-влаклан чер деч паремаш да тул деч аралалташ пу. Эн Поро Пиалан Ёдырлан мурена: христиан-влакын ўшанышт, Тыланет инаныше-влакым шучко ойго, тул да кўдырчö деч арале, Чаманыше шўман улмет дене мемнан чоннам утаре.

Кондак, глас 8

Юмын Ава, чонна ден капнан шижмашыжым эрыктен, Юмын ожно ончыктымö тайныжым ужына: кугу пророк Моисейлан тул дене йўлышö да йўлен пытыдыме вондер гоч Тыйын яндарын Шочыктышашет ончылгоч ончыкталтын, ме тидлан ўшанена да алал кумылын Тыланет да Тый дечет Шочшо мемнан Христос Утарышылан вуйнам савена да лўдын мурена: Кучен Ашныше да Леведыш, Толын Пурымö вер да мемнан чоннан Утаралтмашыже, йывырте.

Величание

Тыйым моктена, Тыйым моктена, Юмын ойырен налме Эн Яндар Ёдыр, Тыйын юмонат дека ўшан дене толшо-влаклан пареммашым пуыметлан моктена.

5/18 Пророка Захария и праведной Елисаветы, родителей Иоанна Предтечи (I).

Тропарь пророку Захарии, глас 4

Кугу уш-акылан Захарий, священникын вургемжым чиен, Юмын законжо почеш йўлалтен пуымым Юмылан йöрышын шуктенат, шкеже волгалтарыше тул да тайным ужшо лийынат, порылыкын палыжым шке көргыштет раш койшын нумалынат. Юмын храмыштыже керде дене пуштмо пророк, мемнан чонна утаралтше манын, Христос ончыч толшо Иоанн дене пырля кумал.

Тропарь пророку Захарии и праведной Елисавете, глас 2

Господь Юмо, таче ме чын илыше Захарий ден Елисаветам шарныме кечым пайремлена, нунын гоч Тыйым сөрвалена: мемнан чоннам утаре.

Кондак пророку Захарии, глас 3

Захарий пророк, Кўшылсын священникше, Христос ончыч толшо Иоаннын ачаже таче шкенжым шарныме кече лўмеш сийым ямдылен, ўшаныше-влакым пукша, чынын вўдшым чылаштлан пуа; Юмын порылыкшын святой тайныжым нумалше ача тидлан верч кола.

Кондак праведной Елисавете, глас 4

Юмын йөрәтәме Елисавета, Чынын Тулжым тый тичмаш тылзе семын Христос деч, Ушын Кечыж деч, налынат, Господьын чыла күштымашыжым Захарий дене пырля шуктенат. Тыйым мурен моктена да чылаштым сотемдарыше Господьым, Чаманыде пуышо Волгыдым, чапландарена.

Величание

Тендам моктена, тендам моктена, чын илыше святой Захарий ден Елисавета, да тендам пагален шарнена, вет те мемнан верч Христос Юмынам сөрвалета.

6/19 Воспоминание чуда Архистратига Михаила, бывшего в Хонех (в Колоссах) (IV).

Тропарь, глас 4

Пылпомышысо куат-влакын Архистратигше, ме, йөрдөмө-влак, тыйым эре йодына: кумалмет да ужаш лийдыме шулдырдан чапет дене левед арале мемнам, сукен возын сөрвалыше-влакым күшылсө куат-влакын вуйлатышышт семын тый мемнам чыла ойго гыч утаре.

Кондак, глас 2

Юмын Архистратигше, Юмын чапшылан служитлыше, Суксо-влакым вуйлатыше да ең-шамычым туныктышо, мыланна пайдалым да кугу чаманымашым йод, вет капдыме куат-влакын Архистратигше улат.

Величание

Тыйым моктена, тыйым моктена, Христосын святой архангелже Михаил, да тендам, Господьым моктышо святой суксо, архангел, тунгалтыш, власть, куат, господство, престол, херувим ден серафим-влак.

7/20 Предпразднство Рождества Пресвятой Богородицы. Мученика Созонта (ок.304). Святителя Иоанна, архиепископа Новгородского, чудотворца (1186).

Тропарь предпразднству, глас 4

Иесейын вождо, Давидын тукумжо гыч Юмын ойырен налме Ёдыр Мария таче мыланна шочеш, чыланат куанен йывыртат да уэмыт. Кава ден мланде пырля йывыртыза да калык-влакын тукумышт Тудым моктыза. Иоаким куана да Анна пайремла, вет Юмын Авам, мемнан илышнан Пукшен Ашнышыжым йочадыме шочыкта.

Кондак, глас 3

Юмын Ойпидышыже дене таче Яндар Ёдыр, Юмым Шочыктышо Мария, Пылпомышысо Качын мучашдыме Полатше йочадыме деч шочеш, Шомакын Ораваже порын сылнештеш. Вет Тудо ончылгочак Юмын Омсаже да Илышым Пуышын Аваже манын лумдалтын.

Тропарь мученику Созонту, глас 4

Господь, Тыйын орланышет Созонт индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо виет дене сұмырал шуэн да ия-влакын тептердыме үчыштым шалатен. Тудын молитваж дене, Христос Юмо, мемнан чоннам утаре.

Кондак, глас 2

Чын да Юмын пуымо кугу ушан орланыше, порылыкын тайныжым налше, поро койыш-шоктыш верч пенгыдын шогышо да пареммаш дене пойдарыше Созонтым, таче пырля погынен, куанен моктена, вет тудо Христос Юмым мемнан верч сөрвала.

Величание

Тыйым моктена, тыйым моктена, святой орланыше Созонт, да чот жаплыме орланыметым пагалена, тудым тый Христос верч чытенат.

Тропарь святителю Иоанну, архиепископу Новгородскому, чудотворцу, глас 8

Святитель Иоанн ачана, таче Кугу Новгород волгыдын моторлана, вет кечыйол гай волгалтше мощет деке ўшанен толшо-влаклан пареммашым пуа. Тиде олам тушман деч, ваш келшыдымаш да тул деч аралыже манын, Христос Юмым сөрвале. Чудым ыштыше да Юмын пуымо уш-акылан святитель, пылпомышысо ен да мландымбалысе суксо, тыйым йöратен шарнена, куанен мурена, тыланет паремден кертме моштымашым да кугу Новгородлан аралтыш ден пенгыдылыкым пуышо Христосым чапландарена.

Кондак, глас тойже

Кугун пагалыме Христос Черке, таче чот йывырте, Кугу Новгород гыч волгалтше эре моктымо святитель Иоанным шарнен пайремлена, вет тудо шуко порылык дене сöрастаралтын да уло элым öрыктарыше пашаж дене куандарен. Колымыж деч вара таче тичмашак кодын да öрыктарыше польшым пуа, сандене тудлан ойлена: чот поро пиалан ачана, Христос Юмым мемнан верч чарныде сөрвале.

Величание

Тыйым моктена, тыйым моктена, святитель Иоанн ачана, тыйым пагален шарнена, вет тый мемнан верч Христос Юмынам сөрвалет.

8/21 Рождество Пресвятой Богородицы

Тропарь, глас 4

Юмым Шочыктышо Ёдыр, Тыйын шочмет уло тўнялан куан уверым ыштен. Чынын Кечыже Христос Юмына Тыйын көргет гыч волгалтын да, каргымашым шалатен, поро пўрымашым пуэн, колымашым пытарен, курымаш илышым пуэн.

Кондак, глас 4

Эн Яндар, Тыйын святой шочмет дене Иоаким ден Анна йочадыме улмыштлан мыскылалтме деч, а Адам ден Ева колен йоммо деч утаралтыч. Сулыкын нелытше деч утлышо калыкетат тиде кечым пайремла да мура: йочадыме таче Юмын Авам да илышнан Пукшен Ашнышыжым шочыкта.

Величание

Тыйым моктена, Тыйым моктена, Эн Яндар Ёдыр, святой ача-аватым пагален, Тыйын чот чапле шочметым моктена.

9/22 Попразднство Рождества Пресвятой Богородицы. Праведных Богоотец Иоакима и Анны.

Тропарь Богоотцам Иоакиму и Анне, глас 2

Господь, Тыйын чын илыше Иоаким ден Аннам шарнен пайремлена, нунын кумалмышт дене мемнан чоннам утаре.

Кондак, глас 2

Йочам ыштен кертдымашым сенгыше Анна таче куана да Эн Яндар Ёдырым пукша да шке көргыж гыч айдеме-шамычлан Яндар Ёдыр ден Ик Авам Шочыктымьжлан Юмым моктен мураш чылаштым үжеш.

Величание

Тендам моктена, тендам моктена, чын илыше святой Иоаким ден Анна, тендам пагален шарнена, вет те мемнан верч Христос Юмым сөрвалета.

11/24 Преподобного Силуана Афонского (1938).

Тропарь, глас 4

Преподобный Силуан ачана, үнгышын илымет годымсо кумалмет дене Туныктышо Христосым чонышкет налынат, да Святой Шүлыш утаралтмашым шүмыштет таньклен. Ёшанаш ёжмө чыла ег кызыт тыйым шарнен куана. Мемнан чоннам утарыже маньын, Христос Юмым сөрвалета.

Кондак, глас 8

Преподобный Силуан ачана, Христосын корныжо дене яндарын коштын, мландымбалне Тудлан служитленат, эре пеленже лияш шоненат да кызыт Пылпомышто Тудым ужат, сөрымыж семьяк Тудын дене пырля улат. Мемнамат шке корнет дене кошташ туныкто.

Величание

Поро пиалан улметым моктена, Юмылан ёрышө Силуан ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

**12/25 Отдание праздника Рождества Богородицы.
Священномученика Автонома, епископа Италийского (313).**

Тропарь, глас 4

Юмылан ёрышө священномученик Автоном, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ёшанымаш верч вўр марте ораненат. Мемнан чоннам утарыже маньын, Христос Юмым сөрвалета.

Кондак, глас 2

Юмо пумымо поро пиалан да кугу ушан ачана, Божественный тайным яндарын шуктен, келшыше надыр лийынат, Христосын чашыжым ёуын, тўнян чот моктымо волгыдыжо улат, да мемнан верч чарныде кумалат.

Величание

Тыйым моктена, тыйым моктена, священномученик Автоном, да тыйын нерген святой шарнымашым пагалена, вет тый мемнан верч Христос Юмынам сөрвалета.

**13/26 Память обновления храма Воскресения Христова в Иерусалиме
(Воскресение словущее) (335).**

Тропарь обновлению, глас 4

Господь, Шке чапетын святой храмжын моторлыкшым Пылпомышысо сылнылыкет семынак мландымбалнат ончыктенат да тидым курым-курымлан пенгыдемде. Мемнан чарныде кумалмынам Юмын Аван сөрвалымыж дене нал, вет Тый чылаштын Илышышт да Ылыж кыселмашышт улат.

Кондак, глас тойже

Тыйын Черкет чот волгыдо Пылпомыш гай лийын да чыла ўшаныше-влакым сотемдара. Тыште шогымына годым ме йодына: Господь, тиде пөртетым пенгыдемде.

Ин кондак, глас 2

Икте святой-влакын моктымо Юмо, Шке лүмешет нөлталташ пүрымө пөртетын Храмжын священный уэмашыжым ўшан дене шуктышо-влакын шүмыштышт шүлышышт уэмже да шонымашышт волгалтше.

Тропарь предпразднству, глас 4

Господь, Шке порылыкетын Илышым пуышо Ыресшым мыланна, йөрдымө-влаклан, пуэнат. Икте Айдемым йөратыше, Тылат кумалына, Юмын Аван сөрвалымыж дене Шке олатым арале.

Кондак, глас тойже

Моисей кидшым кавашке Ырес гай, ўшаныше-влаклан Юмын пуымо саркурал гай, нөлталын. Христос тиде Ыресеш языкнам пудален да чылаштым тамык гыч утарен. Корштымым шижын, ия шортын ойлен: пу умдо мыйын шүмем шуралтен.

14/27 Воздвижение Честнаго и Животворящего Креста Господня

Тропарь, глас 1

Юмо, Шке калыкетым утаре, Шкендын чыла түрлетланат порым пүрө, мыланна, чын верам пагалышылан, сенгышашлык вийым пу, Ыресетын куатше дене калыкетым арален ашне.

Кондак, глас 4

Ыресыш шке кумылын нөлталтше Христос Юмо, Тыйын лүметым нумалше у калыкетлан Шке чаманымашетым пу. Мыланна тушман-шамычым сенгаш Шке виет дене полшо да куаным колто, вет тынысым аралаш да сеналтдыме улмынам палемдаш Тый мыланна Ыресым пуэнат.

Величание

Тыйым моктена, тыйым моктена, Илышым Пуышо Христос, да Тыйын Святой Ыресетым жаплена, вет мемнам осаллан тарзыланыме деч тудын дене утаренат.

15/28 Попразднство Воздвижения Креста. Великомученика Никиты (ок.372).

Тропарь, глас 4

Господь, Тыйын орланышет Никита индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо виет дене сүмырал шуэн да ия-влакын тептердыме ўчыштым шалатен. Тудын молитваже дене, Христос Юмо, мемнан чоннам утаре.

Кондак, глас 2

Моктен шарныме Никита, пенгыдын шогымет дене иян ондалымыжым чактаренат, орланымет дене сенгымаш венецым налынат, да Суксо-влак тўшкаште йывыртет. Нунын дене пырля Христос Юмым чарныде сөрвале.

Величание

Тыйым моктена, тыйым моктена, святой орланыше Никита, да чот жаплыме орланыметым пагалена, тудым тый Христос верч чытенат.

16/29 Великомученицы Евфимии всехвальной (304).

Тропарь, глас 4

Чыла моктымо Евфимия, Христос Качетым йөрәтен, волгыдо сортам ямдыленат, поро паша дене волгалтын, орланымаш венецым налын, Тудын дене ушнаш нөлталтынат. Тыйым ўшанен шарныше-влакым чыла ойго деч утаре.

Кондак, глас тойже

Чыла моктымо авана, орланымаште порын иленат, колымет деч варат мемнам öрыктарыше пашат дене волгалтарет. Юмын пуымо храмышкет ўшан дене толын, мален колтымо гай святой колыметым моктен мурена, чоннан черже деч утлен, польшетын порылыкшым налына.

Величание

Тыйым моктена, тыйым моктена, Христосын святой орланышыже Евфимия, тыйын чот жаплыме орланыметым пагалена, тудым тый Христос верч чытенат.

17/30 Мучениц Веры, Надежды, Любви и матери их Софии (ок.137).

Тропарь, глас 4

Пылпомышысо Черке пайремла да йочаже-шамыч верч куаныше авам шкеж деке йывыртен пурта, вет кугу ушан манын лүмдымө ава Юмын кум порылыкшылан кум ўдырым шочыктен. Нуным ушан ўдыр-влак дене пырля Пылпомышысо Качылан, Юмын Шомаклан, йöрышым ужеш. Нуным шарнен, тудын дене пырля меат йывыртен мурена: Святой Троице верч шогышо Вера, Любовь да Надежда, мемнамат тыгак инанаш, йөрәташ да ўшанаш пенгыдемдыза.

Кондак, глас 1

Пагалыме Софиян священный укшыжо-влак, Вера, Надежда да Любовь, Юмын пуымо порылык дене еллин-влакын уш-акылыштым укешке луктыныт, орланымышт дене сенгышыш лектыныт да Чыла Кучен Ашныше Христос деч курымеш волгалтше венецым налыныт.

Величание

Тендам моктена, тендам моктена, святой орланыше-влак Вера, Надежда, Любовь да София, тендан чот жаплыме орланымыдам пагалена, тудым те Христос верч чытенда.